

enim continet dei conuersationis. Hebdomadam etiam passionis nolite despiciere. Quarta uero & sexta feria ieiunate, reliquias pauperibus porrigentes. Qui cunq; dominicam aut sabbatum ieiunauerit, præter unum sabbatum paschæ, ipse est Christi interfector. Orationes uestræ protendantur ad ecclesiam Antiochiæ, unde & uinctus ducor Rhomam. Saluto sanctum episcopum Polycarpum. Saluto sanctum episcopum Vitalem & sacrosanctum presbyterum, & conseruos meos diaconos, pro quorum animabus ego efficiar. Ad huc dico episcopo & presbyteris in dño, quicumq; cū Iudæis pascha egerit, aut solennia dierum festorum eorum susceperit, cōparticipabit eis qui dominum et apostolos eius occiderunt. Salutant uos Philon et Agathopus diaconi. Saluto congregationem uirginum, legionem uiduarum, a quibus adiutus sum. Saluto populū dñi, a minimo usq; ad maximū. Transmisi uobis hæc mea scripta per Euphanium lectorem, uirum deo honorabilem et fidelissimū, qui mihi occurrit in regionem iam nauim ascensuro. Mementote uinculorum meorum, ut consumer in dño. Incolumes estote carne et anima et spiritu, perfecta sentientes, deuitates operarios iniquitatis et corruptores uerbi ueritatis, confortati in gratia domini nostri Iesu Christi. Amen.

Hebdomada
passionis.
Quarta feria
Sexta feria.
Dies dñica.
Sabbatum.

Pascha

AD PHILADELPHIENSES EX TROIA.

EPISTOLA V.

Igna

Philadel
phia Myſiæ
urbs.



IGNATIUS qui & Theophorus, ecclesie dei patris & domini nostri Iesu Christi, quæ est in Philadelphia, misericordiam consecutæ in dilectione, & confirmatione in concordia & exultatione dei, in passione domini indiuisæ, et in resurrectione eius, repletæ omni misericordia, quæ & saluto in sanguine Iesu Christi, quod est gaudium sempiternum & singulare, maxime ipsi qui sunt in unum cum episcopo, cum presbyteris et diaconis probatis in uoluntate dei patris, per dominum Iesum Christum qui secundum suam uoluntatem solidauit firmiter ecclesiam eius super petram, ædificio spirituali non manufacto. quam flumina inundantia et flantes uenti non ualuerunt subuertere, nec ualebunt aliquando spiritus nequitie, sed debilitantur uirtute domini nostri Iesu Christi. Videns autem episcopum uestrum, cognoui, quia non a semetipso, neque ab hominibus promotus est in ministerium ad communionem pertinens, neque per inanem gloriam, sed in dilectione Iesu Christi, et dei patris, qui resuscitauit eum a mortuis. cuius expauesco mansuetudinem, quomodo tacens amplius potest a loquente. Aptus est enim mandatis domini et iustitie eius, sicut chordæ cithare. et est irreprehensibilis, non minus a Zacharia sacerdote. propter quod beatificat anima mea illius secundum deum dispositi

spōtionem, cognoscens innocentem & perfectā, & immobilem, & sine ira circa omnes, eius mansuetudinem, tanquā dei uiui. Sicut ergo filii lucis fugite diuisionem unitatis, & malam doctrinam hæreticorum, ex quibus exit coinquinatio in omnem terram. Vbi ergo pastor est, illuc sicut oues congregemini. multi enim lupi pellibus ouium induti, uoluntate mala captiuant decurrētes ad deum, sed in ueritate uestra nō inueniunt locum. abstinete itaq; uos a uerbis malis, quæ Iesus Christus non seminauit, sed hominum interfectrix bestia, propter quod non sunt plantatio patris, sed seminarium nequissimi. Non ergo separationem inueniens apud uos hæc scribo, sed ut muniens uos ut filios dei. Quotquot em̄ sunt Christi, ipsi sunt episcopi. Qui autem declināt eum, uel communionē eius, & sociant se cum maledicis, ipsi cum illis simul absciuduntur. Non enim sunt agricolæ Christi, sed inimici seminarium, a quibus eruamini semper precibus assidentis pastoris uestri fidelissimi & mitissimi. Rogo itaq; uos in domino, quicumq; poenitentes uenerint ad unitatē ecclesiæ, suscipite eos cū omni mansuetudine, ut per utilitatem & bonam demonstrationem de luto & muscipula diaboli eruti, & digni Iesu Christo effecti, sempiternam salutē percipiant in regno Christi. Nolite ergo errare fratres. Quicumque enim separatum a ueritate fuerit secutus, regnum dei non hæreditabit. Et qui non discesserit a falsiloquo

F prædi

De ueniētibus
ad sacramen
tū pniæ & re
conciliatiōis

prædicatore, in geennam damnabitur. unde nec a iu-
 stis discedere, neq; iniustis appropinquare oportet.
 Quicumq; em̄ in aliena sententia ambulauerit, ipse nō
 est Christi, nec passionis eius particeps, sed est frau-
 dulat̄ & corruptor uineæ Christi. Tali ne cōmiscer-
 mini, ne simul cū eo pereatis, nec si pater sit, uel filius,
 aut frater, aut domesticus. nō enim, inquit, parcat o-
 culus tuus super eū. Qui ergo odio habēt deū, oportet
 etiā uos eos odire, & super inimicos eius tabesce-
 re. non quidem persequi eos, aut percutere nos oportet
 secundum gentes, quæ non nouerunt deū, sed ini-
 micos arbitrari, & separari ab eis. & monere eos, &
 ad pœnitentiā prouocare, si forte audiant & acquies-
 cant. Amator enim hominū est deus noster, & uult
 oēs homines saluos fieri, & ad agnitionem ueritatis
 uenire. Propter quod & solem oriri facit super bonos
 & malos, & pluit super iustos & iniustos. Cuius utili-
 tatis etiam nos dominus uolens esse imitatores dicit,
 estote perfecti, sicut & pater uester cœlestis perfectus
 est. Ego confido in uobis, quoniam in domino nihil
 aliud sapitis. propterea fiducialiter scribo deo dignæ
 dilectiōi uestre, rogās uos ut instetis uni fidei, uni p̄-
 dicationi, una gratiarū actione utentes. Vna est enim
 caro domini Iesu, & unus eius sanguis, qui pro nobis
 effusus est. unus etiā panis pro omnibus con-
 fractus, & unus calix totius ecclesiæ, & unus episcopus simul
 cū omnibus presbyteris, & diaconis conseruis meis.
 quia

quia & unus est ingenitus deus pater, & unus unigenitus filius deus uerbū & homo, & unus paracletus spiritus ueritatis. Vna etiā prædicatio, & fides una, & unum baptisma, & una ecclesia, quā fundauerunt sancti apostoli a finibus usq; ad fines, in sanguine Christi proprijs sudoribus & laborib⁹. Et uos ergo oportet sicut populum sacerdotale, & gentē sanctam, in cōcordiā omnes in Christo consummari. Mulieres uero subditæ estote uiris uestris in timore dei, uirgines Christo in incorruptione, nō execrātes nuptias, sed meliora diligentes. nō in criminatione cōtagij: sed ppter legis meditationē. Filij subditi estote parētibus, & diligite eos tāq̄ cooperarios dei ad uestrā generationē. Serui subditi estote dñis uestris in deo, ut Christi liberi efficiamini. Viri diligite uxores uestras sicut conseruas in domino ut proprium corpus, sicut socias uitæ & cooperatrices ad filiorum procreationē. Virgines solū Christum præ oculis habete, & eius patrē in animabus uestris illuminatæ a spiritu sancto. Memor sum factitatis uestre sicut Helix, sicut Iesu Naue sicut Melchisedech, sicut Helisei, sicut Hieremix, sicut Iohannis baptistæ, sicut dilectissimi discipuli, sicut Timothei, sicut Titi, sicut Enodij, sicut Clementis uel eorum qui in castitate de uita exierunt. Non detraho autem cæteris beatīs, qui nuptijs copulati fuerūt, quorum nunc memini. opto enim deo dignus ad uestigia eorū, in regno ipsius inueniri. sicut Abraham, & Isaac,

E ij & la'

& Iacob, sicut Ioseph, & Esaias, & cæteri prophetæ, sicut Petrus & Paulus & reliqui apostoli, qui nuptiis fuerunt sociati, qui non libidinis causa, sed posteritatis subrogandæ gratia, coniuges habuerunt. Patres nutritæ filios uestros in eruditione & disciplina domini, & docete eos sacras litteras, & artes honestas, ut non ocio gaudeant, Bene enim (inquit) nutrit pater iustus, in filio autē sapiente lætabitur cor eius. Domini benigne in domesticos uestros intendite, sicut sanctus Iob docuit, una enim est natura, & unū genus hominum. In Christo autem, neq; seruus, neq; liber. Principes subditi estote cæsari, milites principibus, diaconi presbyteris, ut sacrorū administratorib⁹. presbyteri uero & diaconi, atq; omnis clerus, simul cū omni populo & militibus atq; principibus, sed & cæsare, obediant episcopo, episcopus uero Christo, sicut patri Christ⁹ & ita unitas per omnia seruatur. Sint autem uiduæ nō uagæ, neq; gulosæ, neq; pteruæ, sed pudicæ & sobriæ, sicut Iudith & Anna. Hæc autē non sicut apostolus p^o cipio. quis enī sum ego, aut quæ dom⁹ est patris mei, ut æqualem me illis dicā: sed sicut cōmilito uester, obedientiæ ordinem cōtinens. Fratres mei ualde pronus sum ad dilectionē uestram, superexultās de unanimitate uestra. Moneo enim uos nō ego, sed dominus Iesus per me, in quo uinctus sum. Adhuc magis timeo quia nōdum perfectus sum, sed oratio uestra faciet me perfectum apud deum, ut eū in quo uocatus sum merear

rear adipisci, confugiens ad euangelium tanquam ad
 corpus Iesu Christi, ad apostolos tanquam ad presby-
 teros ecclesie. Et prophetas quidem diligo, ut Chri-
 stum prænunciantes, continentes eius spiritum sicuti
 et apostoli. Sicut enim pseudoprophetae et pseudapo-
 stoli unum eundemque malignum et seductorem, et populum er-
 rare facientem spiritum assumpserunt, sic certe ueri p-
 phetae et ueri apostoli unum eundemque sanctum, bonum
 principalem et uerum, atque doctorem per Christum ac-
 ceperunt spiritum. unus enim deus ueteris et noui te-
 stamenti, unus et mediator dei et hominum, ad factu-
 ram intelligibilem et sensibilem, et prouidentiam ge-
 rens omnium. Unus quoque et paracletus, qui operaba-
 tur in Mose, et prophetis, et apostolis. Omnes enim
 sancti cum Christo saluati sunt per ipsum, in ipso spe-
 rantes, atque ipsum expectantes, & per ipsum salutem
 adepti sunt, qui erant digni dilectione, & digni laude
 sanctificati a Christo Iesu, testificantes in euangelio
 spei communi. Si quis deum legis et prophetarum unum
 predicauerit, Christum autem negauerit filium esse dei
 mendax est, quomodo et pater eius diabolus. & est
 huiusmodi inferioris circuncisionis pseudo Iudaeus. Si
 autem quis confitetur Christum Iesum dominum, ne-
 gat autem deum legis et prophetarum patrem esse Chri-
 sti, hic in ueritate non stat, quomodo nec pater eius di-
 abolus. & est huiusmodi, Simonis magi, et non san-
 cti spiritus discipulus. Si quis autem dicit unum deum

Ebion & Ebionita, pauper interpretatur. Iohannes dicit, pauper est sensu, si cut uocatur.

confiteturque Iesum Christum, hominem uero purum putans dominum, & non deum unigenitum, & sapientiam, & uerbum dei, sed ex anima & corpore eum solum esse existimans. huiusmodi serpens est seductor, errorem predicans ad perditionem hominum. huiusmodi pauper est sensu, sicuti uocatur, & adiuuetor ipsius erroris Ebion. Si quis enim haec confitetur, corruptio nem autem & coinquinationem uocat legitimam commixtionem, & filiorum procreationem, aut aliquam escam execrabilem putat. huiusmodi habet cohabitatorum draconem apostatam. Si quis enim patrem & filium & spiritum sanctum confitetur, & creaturam laudat, simulationem uero dicit incarnationem, & passionem erubescit confiteri, huiusmodi fidem abnegat nihilominus quam interfectores Christi Iudaei. Si quis autem haec confessus fuerit, & quia deus uerbum in humano corpore habitauit, sicut & anima in corpore, propter quod inhabitare dicimus deum in corpore, sed non in humana anima. dicit autem quasdam iniquas mixtiones aliquid boni esse, & finem beatitudinis uoluptatem ponit (qualis ille falso nomine Nicolaita) hic neque dei amicus, neque Christi amator esse potest, sed corruptor propriae carnis. & propterea a spiritu sancto desertus est, & a Christo alienus. Huiusmodi omnes statuque ex animes sunt, & sepulchra mortuorum, in quibus scripta sunt tantummodo nomina defunctorum. Fugite ergo malas

las artes, insidias spiritus, qui operatur in filiis seculi huius, ne quando tribulati infirmemini in dilectione sed oēs id ipsum estote inseparabiles corde, et in unanimitate unum semp sentientes in id ipsum, de hoc ipso glorificantes in requie, et in periculis, et in tristitiis et in gaudiis. Gratias ago deo p̄ Iesum christū, quia bene mihi conscius sum in uobis, et non habet quis unde gloriari, neq; clam neq; palam et publice, quod grauauerim aliquem aut in modico aut in magno. Et oēs quibus locutus sum precor, ut non in testimoniū illud possideat. Si enim secundū carnem me uoluerūt quidā oberrare, sed spiritus meus non oberrat, a deo etenim eū accepi, noui enim unde uenerit, et quo eat, et occulta arguet. Clamaui em̄ uoce magna inter eos quibus loquebar, non meū sermonē, sed dei proferēs episcopo intendente, et presbyteris et diaconis. hi uero despexerunt me, tanquā prohibentem diuisionem quorundā fieri. Hoc aut̄ dicenti testis ille est propter quē ego uinctus sum, quia de humano ore hæc nō cognoui, sed spiritus mihi præconisauit dicens, Hæc præter episcopū ne feceritis. unitatem diligite, diuisionem fugite. Imitatores estote PAVLI et cæterorum apostolorum, quomodo et ipsi Christi. Ego quidē quod meum fuit feci, ut homo in unitate perfectus, adiciens etiam hoc, quia ubi dissensio mentis et iracundia et odium, illic deus non habitat.

Omnibus

Sanctif. mar
tyr accepto
spūscō q̄ p̄
cipiebat loq̄
bat̄ ut Petr^o
Paulus &c.

Omnibus igitur pœnitentibus dimittit deus, si ad unitatem christi concurrunt, et ad consensum episcopi. Credo gratiæ Iesu christi, quia soluit a nobis omne uinculum iniustitiæ. Rogo autem uos ut nihil secundum iracundiam agatis, sed secundum christi militiam. Audiui enim quosdam dicentes, si non inuenero euangelium in antiquis, non credam. Talibus autem ego dico, quia mihi antiquitas Iesus christus est, cui non obedire, manifestus & irremissibilis interitus est. Principatus eius est crux, & mors ipsius, & resurrectio, & fides in omnibus his. in quibus uolo per uos nos in orationibus uestris iustificari. Qui non credit euangelio, omnibus simul non credit, qui non præiudicat antiquitati spiritus. durum est enim contra stimulum calcitrare, durum etiã christo non credere, durum quoque apostolorum prædicationem spernere. Boni enim sunt sacerdotes, & sermonis ministri, melior autem est pontifex, cui credita sunt sancta sanctorum, cui soli commissæ sunt secreta dei. Bona sunt etiam officia uirtutis dei, bonus quoque spiritus sanctus, qui est super omnia sancta sanctissimus, & uerbi minister. sed super omnes sanctos sanctissimus est summus pontifex, et princeps pontificum, qui est legatus et minister patris, et princeps legionum militiæ cœlestis, per quem pater omnia fecit, atque omnem prouidentiam gerit. Ipse enim est uia quæ ducit ad patrem, ipse est petra, mœritia, clavis, pastor, sacerdotium, ianua scientiæ et agnitionis

tionis, per quam introiuit Abrahā, & Isaac, et Iacob, Moses quoq; atq; omnis chorus prophetarū, & columnæ mundi apostoli, & sponsa domini ecclesia, pro q̄ sanguinē suū fudit ut eā redimeret. Omnia igitur hæc in unitate unius, & unigeniti ueri dei. Quid autem præcipuum habet euangelium præsentiam aduētus saluatoris nostri Iesu Christi, passionē, sed et ipsam resurrectionē. Quæ enim prophetæ annunciauerunt dicentes, donec ueniat cui repositū est, et ipse erit expectatio gentium. hæc in euangelio cōpleta sunt, dicēte domino, pergite & docete omnes gentes, baptisantes eos in nomine patris, & filij, & spiritus sancti. Omnia ergo bona sunt simul, lex, prophetæ, apostoli, omnis congregatio quæ per ipsos credidit. Solū autē restat, ut inuicem diligamus, quoniam secundum orationē uestrā, & uiscera quæ habetis in domino Iesu, annunciatum est mihi pacificare ecclesiam quæ est in Antiochia Syriæ. Decet enim uos tanquā ecclesiam dei ordinare episcopum ad mittendum illuc uisitationem dei, concedere eis in idipsum cōstitutis glorificare nomē dei. Beatus in Christo Iesu, qui dignus effectus fuerit tali ministerio. Et uos quidem festinātes, glorificamini in Christo. Volunt autem uobis (quod nō est omnibus impossibile) pro nomine dei (quomō & semper uicinæ ecclesiæ cōsueuerūt) mittere uobis episcopos presbyteros, & diaconos. De Philone uero diacono uiro religioso a Cilicia, qui nūc mihi ministrat in uer

bo domini, una cum Gaio & Agathopo uiro electo
 (qui a Syria me sequitur) testificor uobis quia renun-
 ciauerunt seculo, et martyriū consummare elegerunt.
 Et ego gratias ago pro uobis, rogans ut suscipiatis
 eos in domino, ut et uos suscipiat Iesus Christus. Qui
 enim eos diffamauerunt, redempti sunt in gratia Iesu
 Christi, qui non uult mortem peccatoris, sed pœniten-
 tiā. Salutat uos dilectio fratrum qui sunt in Troia, un-
 de et scribo uobis, per Burgum qui missus est simul
 ab Ephesijs & Smyrneis ad uerbum honoris, quos Ie-
 sus Christus redimat, in quem sperant carne & anima
 spiritu & fide, dilectione & cōcordia. Incolumes esto
 te in domino Iesu Christo, cum omni spe nostra in spi-
 ritu sancto. Amen.

AD SMYRNENSES EX TROIA.
 EPISTOLA VI.



Smyrna clui-
 tas ē Lycie p-
 uincie i Asia

Sgnatius qui & Theophorus, ec-
 clesie patris altissimi & dilectissi-
 mi filij eius Iesu Christi misericor-
 diam consecuta, & gratia repleta
 in fide & dilectione fundata, & to-
 tius gratie deo decentissime, san-
 ctissime, sanctificata, q̄ est in Smyrna, imaculata spi-
 ritu & uerbo dei, plurimā salutē. Glorifico deū & patrē
 domini nostri Iesu Christi, qui per seipsum uos tantū
 illuminauit. Agnoui enim uos perfectos esse in fide
 immobili tanquam clauis affixos cruci domini Iesu
 chri